

SAUDIJSKI ALIM NAPAO SLUŽBENU VLAST KOJA JE UHAPSILA KAŠGARIJA KOJI JE UVRIJEDIO POSLANIKA



Šejh Selman bin Fehd El-Ude

Poznati islamski znanstvenik Šejh Selman bin Fahd El-Ude izjavio je na jednom predavanju, prema pisanju saudijskog dnevnika *Eš-Šerk* da griješe oni koji hapšenjem i progonom i prijetnjom smrću žele zaštititi lik i djelo Božjega poslanika Muhammeda alejhis-selam. On smatra da obrana Božjega poslanika mora biti visoko civiliziranim stilom, onakvim kakvim je i sam bio Muhammed alejhis-selam, a svi znademo da mu je Svevišnji Allah naložio da sa ljudima postupa uljudno zbog čega je i uspio u svojoj poslaničkoj misiji. Na predavanju Šejh Selman je rekao: *Pročitao sam duboku ispriku pisca Hamze Kašgarija za ono što je izjavio o Muhammedu alejhis-selam kojom prilikom je izrekao riječi pokajanja (tevbe), tražeći oprost Svevišnjega i obnovio svoju vjeru u Allaha i poslanstvo Muhammeda alejhis-selam. Čvrsto vjerujem da je ovo bilo dovoljno da ga se poštedi svega drugog maltretiranja.*

Tako međutim ne misli i stalno Povjerenstvo pri Muftijstvu Saudi Arabije na čijem je čelu Vrhovni saudijski muftija Abdul Aziz Al Šejh koje je Kašgarija optužilo za nevjerstvo, otpadništvom iz vjere i zatražilo njegovo suđenje.

Spisatelj Hamza Kašgari nakon što je svojom izjavom *da ne poštuje Muhammeda alejhis-selam, i da se ne kani pred njim dizati na noge i da drži da nije bolji od njega*, izazvao buru negodovanja i povika na smrt, pobjegao u Maleziju 8 veljače i nakon što ga je stalno Povjerenstvo Muftiluka Saudijske Arabije optužilo za nevjerstvo. I malezijske vlasti su ga optužile za nevjerstvo i po hitnom postupku isporučile vlastima Saudijske Arabije na dalji postupak.

Š.O.